

OB'YEKTLAR BO'YICHA SHARTNOMALAR VA QURILISH PUDRATI SHARTNOMALARI GURUHLARI

5. Ushbu standart talablari har bir qurilish pudrati shartnomasiga nisbatan alohida qo'llaniladi. Muayyan vaziyatlarda standartni pudrat shartnomasining yoki shartnomalar guruhining mohiyatini aks ettirish maqsadida bitta pudrat shartnomasining ayrim qismlariga nisbatan yoki pudrat shartnomasining butun bir guruhiga nisbatan qo'llanish zarur.

6. Agar bir necha ob'yektga bitta pudrat shartnomasi tuzilayotgan bo'lsa, u holda har bir ob'yektning qurilishini alohida qurilish pudrat shartnomasi deb hisoblash kerak, agar quyidagi shartlar bajarilgan bo'lsa:

- har bir ob'yekt bo'yicha qurilish ishlarining shartnomaviy qiymatiga doir alohida taklif mavjud bo'lsa;

- har bir ob'yekt bo'yicha kelishuvga erishilgan bo'lsa va pudratchida ham, buyurtmachida ham ayrim ob'yektlarni qabul qilish yoki qabul qilishdan bosh tortish imkoniyati bor bo'lsa;

- daromadlar va xarajatlar har bir ob'yekt bo'yicha aniqlash imkoniyati bo'lsa.

7. Qurilish pudrat shartnomasi buyurtmachining xohishiga qarab qo'shimcha ob'yekt qurilishini ko'zda tutishi yoki qo'shimcha ob'yekt qurilishi bilan to'ldirilishi mumkin. Qo'shimcha ob'yekt qurilishini quyidagi hollarda alohida shartnoma deb hisoblash kerak:

- ob'yekt dastlabki shartnomaga kiritilgan ob'yekt yoki ob'yektlar loyihasidan, texnologiyasi yoki vazifalari bilan tubdan farq qilsa;

— qo‘shimcha ob‘yekt uchun shartnomaviy qiymat dastlabki shartnoma bo‘yicha shartnomaviy qiymatni hisobga olmagan holda kelishilsa.